

PLANTAE NOVAE.

Auctore VICTORE DE JANKA.

1. *Avena decora* Janka.

Avena Besseri autor fl. transsily. et hung. — non Ledeb. Fl. ross.

Culmi elati 2—3-pedales; folia latiuscula applanata vel laxè convoluta, supra (intra) ad nervos circiter 18 cartilagineos dense hirtula. Ligula brevissima transverse linearis ciliato-lacerata, angulis sæpius pilis paulo longioribus penicillata. Panicula composita multispiculata nutans. Spiculæ 3—4 floræ. Gluma inferior 1-, superior 3-nervis. Axis flosculorum omnium æqualiter barbato-pilosa. *Palea inferior* dorso glabra nitida sublævis apice simpliciter acuta, *integra*.

Avena Besseri Ledeb. Fl. ross. IV. pag. 415 ex specimine ab ipso *Bessero* cum *Kitaibelio* communicato (Herb. Kit. Fascic. LVII n. 42) est gramen multo tenuis foliis complicato-setaceis, cui Besser in Enum. pl. Volhyn. etc. pag. 6. vaginas basilares persistentes longissime strictas laxas attribuit, quæque præter culmum humilem pedalem, paniculam valde depauperatam æqualem paucifloram — præsertim palea inferiore opaca sub lente crebre punctato-exasperata apice cuspidato-lacerata valde recedit. Hæc Besseri planta mihi omnino eadem videtur cum *Avena desertorum* Lessing secundum specimen altaicum Ledebourianum herbarii Sadleriani mus. nat. hung., in quo ligulam ex Fl. ross. (l. c.) elongatam «1 lin. longam» frustra quæsivi.

2. *Sesleria Sadleriana* Janka.

S. cœrulea Sadler Fl. comitat. Pest non alior.

S. Heufferiana fl. hung.

«Spica elongata, laxior, spiculæ majores, glumæ et paleæ breviter aristatæ, aristæ glumis 4—5-plo, paleis vero 3—4-plo breviores» Borb. in oesterr. bot. Ztschft. 1883 p. 30.

In *Sesleria Heufferiana* vera transsilvanica: «glumæ in aristam æquival subæquilongam sensim attenuatæ, aristæ paleam parte tertia aut dimi-

dia longiores. Spica magis compacta et ob aristas longiores quasi echinata». Borb. l. c.

3. *Ornithogalum millegranum* Janka.

O. prætextum Neilreich Aufzählung pag. 52 in nota (non Stev.)

Bulbus e basi lata subtruncata conico-ovatus valde bulbifer. Herba glaberrima. Folia sub anthesi jam emarcida scapum æquantia vel paulo superantia, angustissime linearia canaliculata, concoloria i. e. nervo medio albicante nullo. Scapus digitalis apice corymbose pauciflorus. Flores 3—5. Bracteæ e basi lata lanceolato-acuminata pedicellos superantes. *Pedicelli* curvato-patuli vel summi sub flore adscendentes *pollicares*. *Perigonii phylla* oblonga v. ovato-oblonga *acutiuscula*, dorso læte viridia marginibus membranacea, *pedicellos nunc superantia, nunc paulo tantum breviora*.

Hab. in Hungariæ comitatus Bihar campis v. pascuis sterilibus domos oppidi Székelyhid partis montanæ meridiem versus adjacentibus, ubi medio Maji floret.

Ornithogalum prætextum Steven in Kunth Enumeratio IV. pag. 363-4 prima fronte jam pedicellis longis alienum.

4. *Allium marginatum* Janka.

Spathæ flores multo superantes, Perigonium campanulatum: *phylla a medio usque ad apicem fusco-purpureo-marginata, etiam carina tota ejusdem coloris, caeterum perigonium albidum*. Filamenta perigonium nequam excedentia, solum antherarum una vel altera effoeta e phyllo paulo prominula.

Hab. in herbis præruptis elatioribus per Transsilvaniam campestem (Mezőség) e. g. prope pag. Sz.-Gothárd.

Allio pallenti L. proximum sed perigonii coloratura et foliis applatis sat diversum.

5. *Orobanche sambucina* Janka.

Tota candida. — Stigma declinatum flavum demum fuscescens, subbilocum. Sepala indivisa integerrima, 1-nervia bractea corollam æquante duplo breviora. Corolla candida dorso geniculato-curvata. Labii inferioris lacinia æquilongae. Filamenta ad (infra) insertionem — in corollæ parte inferiore (supra basin) — pilis aliquot glanduliferis vestita caeterum glaberrima. Antheræ loculilongiuscule mucronati.

Hab. in Sambuco Ebulo ad viam inter prædium Kalján-tó et pagum Kalján Transsilvaniæ centralis, ubi insignem hanc plantam d. 9. Julii 1881 unico loco sat frequentem detexi.